

Sarajevo, **25-05-2017**

Broj:

0203-23755

Na osnovu člana 70. Zakona o javnim nabavkama („Službeni glasnik BiH“, broj 39/14), člana 37. Statuta Kliničkog centra Univerziteta u Sarajevu, člana 10 i 11. Pravilnika o javnim nabavkama Kliničkog centra Univerziteta u Sarajevu a na prijedlog Komisije za sprovođenje javne nabavke (Izvještaj Komisije za javne nabavke broj 0305-22724 od 18.05.2017 godine), Generalna direktorica donosi:

ODLUKU

o rezultatima okončanog konkurentskog zahtjeva sa objavom obavještenja za izbor najpovoljnijeg ponuđača za pružanja usluga pregleda, kontrole, ispitivanja i podešavanja ventila sigurnosti i manomentara na posudama pod pritiskom

I

Za najpovoljnijeg ponuđača pružanja usluge pregleda, kontrole, ispitivanja i podešavanja ventila sigurnosti i manomentara na posudama pod pritiskom odabirem ponudu ponuđača „INSPEKT RGH“ d.o.o. Sarajevo.

II

Odluka stupa na snagu danom donošenja.

OBRAZLOŽENJE

Klinički centar Univerziteta u Sarajevu (u daljem tekstu KCUS) je na portalu E-nabavke objavio poziv za konkurentski zahtjev sa objavom obavještenja za izbor najpovoljnijeg ponuđača pružanja usluga pregleda, kontrole, ispitivanja i podešavanja ventila sigurnosti i manomentara na posudama pod pritiskom i Obavještenje o nabavci broj 893-7-2-151-3-131/17 od 27.04.2017. godine. Procijenjena vrijednost nabavke je 12.000,00 KM bez PDV-a i zaključuje se okvirni sporazum na 12 mjeseci.

Uslovi plaćanja su odgođeno plaćanje 60 dana. Nabavka je objedinjena Privremenim planom nabavki za 2017 godinu u klasifikaciji „Usluge“ red.br. 44.

Tendersku dokumentaciju, koja je objavljena na portalu E-nabavke i samim tim dostupna svim registrovanim potencijalnim ponuđačima, preuzelo je 11 ponuđača.

Do krajnjeg određenog roka za prijem ponuda, 10.05.2017 godine, dostavljeno je pet (5) ponuda i to ponude ponuđača „EFCO-NAT“ d.o.o. Maglaj, „Institut za zaštitu, ekologiju i obrazovanje“ d.o.o. Tuzla, „ITG“ d.o.o. Sarajevo, „VATROTEH INŽINJERING“ d.o.o. Sarajevo i „INSPEKT RGH“ d.o.o. Sarajevo.

Ponuđači su dostavili ponude po slijedećim cijenama:

1. „EFCO-NAT“ d.o.o. Maglaj..... 8.336,25 KM bez PDV-a
2. „Institut za zaštitu, ekologiju i obrazovanje“ d.o.o. Tuzla..... 12.004,20 KM bez PDV-a
3. „ITG“ d.o.o. Sarajevo..... 7.967,70 KM bez PDV-a
4. „VATROTEH INŽINJERING“ d.o.o. Sarajevo..... 5.265,00 KM bez PDV-a
5. „INSPEKT RGH“ d.o.o. Sarajevo..... 7.300,80 KM bez PDV-a

Komisija za sprovođenje javne nabavke je analizirala ponude ponuđača i zaključila:

Ponuda ponuđača „VATROTEH INŽINJERING“ d.o.o. Sarajevo se ne može prihvatiti jer ne sadrži dokumentaciju kojom se dokazuje da su zaposlenici ponuđača osposobljeni za rukovanje

Jehović

uređajima koji će biti korišteni za vrijeme pružanja usluga (Tenderska dokumentacija, tačka broj 2, podnaslov „Tehnička i profesionalna sposobnost“, podtačka 1.1.4). Umjesto navedenog, ponuđač je priložio kopije univerzitetske diplome i dokaz o položenom stručnom ispitu od jednog svog zaposlenika visoke stručne spreme.


Ponuda ponuđača „ITG“ d.o.o. Sarajevo se ne može prihvatiti jer ne sadrži Izjavu o nepromjenjivosti cijene za vrijeme trajanja okvirnog sporazuma (tenderska dokumentacija, tačka broj 2, podtačka i)). Također, ponuda ne sadrži dokumentaciju kojom se dokazuje da su zaposlenici ponuđača osposobljeni za rukovanje uređajima koji će biti korišteni za vrijeme pružanja usluga (Tenderska dokumentacija, tačka broj 2, podnaslov „Tehnička i profesionalna sposobnost“, podtačka 1.1.4). Umjesto navedenog, ponuđač je priložio dokument pod nazivom „Zapisnik o izvršenoj obuci kadrova za izvođenje radova ispitivanja ventila sigurnosti, posuda pod pritiskom, manometara i termometara“, koji sadrži popis zaposlenika ponuđača, i koji je potpisan i ovjeren od strane ponuđača. Uvidom u njegov sadržaj ne vidi se jasno koji je pravni subjekat organizovao program osposobljavanja zaposlenika i gdje je on proveden.

Ponuda firme „Institut za zaštitu, ekologiju i obrazovanje“ se ne može prihvatiti zato što ne sadrži adekvatan dokaz izdat od strane nadležnog inspekcijskog tijela posuda pod pritiskom da ponuđač, shodno odredbama Pravilnika o minimalnim tehničkim i drugim uslovima za obavljanje registrovane djelatnosti iz prerađivačke industrije („Službene novine FBiH“ br 112/2012), ispunjava minimalne tehničke i druge uslove za obavljanje registrovane djelatnosti u pogledu prostora, opreme i kadrovske strukture u prerađivačkoj industriji (Tenderska dokumentacija, tačka broj 2, podnaslov „Tehnička i profesionalna sposobnost“, podtačka 1.1.2). Naime, ponuđač je priložio dokument na osnovu kojeg se vidi da je ovlašten za obavljanje poslova pregleda i ispitivanja mobilnih posuda pod pritiskom – protivpožarnih aparata punjenih gasom CO₂, ali se iz sadržaja ne vidi da je ovlašten i za ispitivanje ventila sigurnosti na stabilnim i mobilnim posudama iz tačke 1 tenderske dokumentacije.

Komisija za sprovođenje javne nabavke u Izvještaju broj 0305-22724 od 18.05.2017 godine predlaže da se zaključi Okvirni sporazum sa ponuđačem „INSPEKT RGH“ d.o.o. Sarajevo po cijeni od 7.300,80 bez PDV-a. Okvirni sporazum se zaključuje na period od 12 mjeseci prema cijenama iskazanim u ponudi i uslovima plaćanja odgođeno 60 kalendarskih dana po prijemu računa. Za obavljanje poslova koji su definisani tačkama broj 22 (Manometar, Ø80) , 23 (Manometar, Ø100) i 24 (Manometar, Ø150) tehničkih zahtjeva Tenderske dokumentacije, navedeni ponuđač će angažovati podugovarača, firmu „Tehnounion“ d.o.o. Sarajevo u podugovorenoj vrijednosti u iznosu od 150,00 KM + PDV.

Smatram da je Komisija pravilno postupila uzevši u obzir gore navedene činjenice te zbog toga prihvatam prijedlog Komisije i donosim odluku kao u dispozitivu.

RUKOVODILAC TEHNIČKOG SEKTORA
Nuriya Jusupović, dipl.ing.el.



GENERALNA DIREKTORICA
Prof.dr. Sebiya Izetbegović

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama BiH („Službeni glasnik BiH“, broj 39/14) i/ili podzakonskih akata, ima pravo uložiti žalbu ugovornom organu u roku od 5 dana po prijemu Odluke o izboru, shodno Članu 99. i Članu 101. Zakona o javnim nabavkama BiH.

Dostaviti:

- Ponuđačima;
- a/a

Jelković